

Despues di 30 aña

Ainda tin hopi lugar cu no ta tene cuenta di limitacion di un invalido

Momento a yega pa un cambio positivo

FUNARI a celebra 30 aña di aniversario dia 13 di maart cuminsando cu un Santo Sacrificio di Misa na Funari duna dor di Pastor Jairo Maduro n'e centro di Funari na Savaneta y despues a tene un celebracion hunto cu e cliente y invitadonan presente. Fundacion Arubano p'e Invalidonan, mihor conoci como Funari a wordo funda den añanan 60, ora cu un zuster den wijkverpleging a constata cu tabatin hopi hende invalido cu tabata isola dor di nan limitacion fisico.

No tabata existi e posibilidad pa sali y drenta den contacto cu e comunidad y pa topa cu otro hendenan cu ta den e mesun situacion cu nan ta aden. Na aña 1968 zuster Gaudiosa conoci pa hopi persona na Aruba, a cuminsa cu e trabao bunita aki treciendo asina e personanan hunto y despues di 11 aña pa ser esaxto, riba 13 di maart y ya 30 aña pasa Funari a bira un Fundacion oficialmente.

E edificio caminda cu Funari situa aden ta un edificio cu tin mas cu 100 aña y danki na Obispado cu Funari por haci uso di esaki. Den e sala grandi e encuentronan diario ta tuma lugar. Na aña 1987 e edificio a wordo renoba y adapta y su Mahestad Reina Beatrix a habri'e oficialmente.

E meta principal di Funari ta pa saca e invalido for di su aislamiento dor di ofrece un variedad di actividad. Fuera di esaki cas di Funari manera e ta ser yama ta funciona como un lugar di encuentro cu otro personanan cu un limitacion fisico.

For di aña 1989 Funari a conoce hopi cambio positivo. P.e. e personanan no ta ser busca mas den auto di famia sino den bus special pa rolstoel.

Awe Funari ta conta cu dos bus cu ta transporta total 12 persona den rolstoel y 6 persona cu por cana of ta haci uso di un medio auxiliar pa yuda nan. Hunto cu e personal tin un grupo di boluntario cu ta traha cu masha entusiasmo, dedicacion, posi-



tivismo y amor na bienestar di e personanan.

Dor di sali mas cu e clientenan nos di Funari a bin nota cu mayoria lugar na Aruba no ta acesibel pa rolstoel. El a costa Funari hopi esfuerzo y tempo pa por a haya un Cas di Cultura cu awor ta acesibel pa rolstoel. E clientenan tabata wordo carga dor di trahador y boluntarionan p'asina logra haya e clientenan paden di e sala.

Obstaculonan cu Funari tur dia cune ta: Mayoria edificio na Aruba no ta acesibel pa personanan den rolstoel. P.e. nan no tin lift y no tin subida of bahada den e edificio y pafor pa rolstoel por pasa. Asera sin un parti habri caminda e rolstoel nan por pasa sin problema, portanan cu ta hopi smal. Toilet nan cu ta hopi smal y sin medio auxiliar p'e persona por move di un lugar pa otro.

Subida of bahada nan mucho stil y sin man pa yuda sostene e persona den rolstoel.

Medio di transporte publico cu no ta acesibel pa personanan den rolstoel.

E obstaculonan aki ta buta cu Funari mester keda sostene clientenan pa nan por biba independiente den nan propio cas. Funari ta busca y hiba e cliente pa haci su diligencianan. Tin hopi compania cu ta duna yudansa comercialmente p'esnan den rolstoel, pero hopi cliente no por cubri e gastonan cu e servicio ta trece cune.



bon servicio cu nan a duna nos e mainta aki.

Den futuro Funari tin planea pa bay amplia su servicio dor di introduci actividadnan nobo n'e clientenan.

Algun ehempel di actividad cu lo ser introduci ta siña traha cu computer mayoria di e clientenan tin famia nan den exterior y ta desea di tin contacto cu nan via internet tambe hunga wega riba computer of simplemente scirbi un poesia of un carta pa nan sernan ker.

Tambe Funari kier traha riba conscientisacion di uso di rolstoel na Aruba. Traha como informador pa tur esnan cu ta construi hotel of cualkier otro tipo di edificio. P.e. DOW, arquitectonan y FCCA p'asina Funari por corda of recorda nan riba e importancia pa construi un lugar acesibel principalmente pa nos hendenan na Aruba cu ta den rolstoel.

Funari a yama danki na su boluntarionan pa nan sosten durante tur e añanan. Tambe a elogia 3 boluntario cu a cumpli mas cu 30 aña ta traha como boluntario serca Funari cu ta sra. Milly van Eer, sra. Jean Porino y sra. Catharina Nierop.

Despues tur presente a brinda cu champaña y a disfruta di un dushi brunch e mainta aki. Un danki special ta bay pa Ety Toppenberg y Nelson Sprock kendenan a deleita tur presente cu nan musica y a duna Funari esaki como regalo p'e mainta aki. Tambe Funari kier gradici EPI sector Hospitalidad pa nan